



Interni broj postupka JN: TD-08-39/25

Sarajevo, 05-08-2025. godine

Na osnovu člana 69. stav (2) pod d) Zakona o javnim nabavkama („Službeni glasnik BiH” broj 39/14, 59/22 i 50/24) – u tekstu: Zakon i člana 47. Statuta KJKP „Sarajevogas” d.o.o. Direktor Preduzeća **d o n o s i:**

O D L U K U **o poništenju postupka javne nabavke**

Član 1.

Poništava se otvoreni postupak za javnu nabavku roba: **“Postrojenja za regulaciju pritiska prirodnog gasa”**, internog evidencijskog broja TD-08-39/25, **procijenjene vrijednosti 1.000.000,00 KM bez PDV-a**, čija je nabavka oglašena na Portalu javnih nabavki BiH pod brojem broj 17-1-1-143-3-124/25 dana 10.10.2025. godine. Predmetni postupak se stoga u skladu s odredbama člana 69. stav (2) pod d) Zakona poništava jer nijedna od primljenih ponuda nije prihvatljiva.

O B R A Z L O Ž E N J E

U postupku javne nabavke roba: **“Postrojenja za regulaciju pritiska prirodnog gasa”** internog evidencijskog broja: TD-08-39/25 objavljenom na Portalu javnih nabavki 10.4.2025. godine (broj obavještenja o nabavci 17-1-1-70-3-61/25), rok za dostavljanje ponude je bio 26.11.2025. godine do 12:00h.

U određenom krajnjem roku Ugovorni organ je zaprimio dvije ponude, i to: ponudu grupe ponuđača Grizelj-Group d.o.o. Sarajevo i Tipex-As d.o.o. i ponudu ponuđača Fagas d.o.o. Sarajevo.

Nakon izvršenog otvaranja ponuda Komisija je pristupila analizi dokumentacije iz pristiglih ponuda u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom i Zakonom i podzakonskim aktima.

Podaci o otvaranju ponuda održanom dana 01.12.2025. godine, na osnovu Zapisnika o otvaranju ponuda, sa ukupnim ponuđenim cijenama i rokom isporuke:

Redni broj	Naziv ponuđača/Grupe ponuđača	Ukupna cijena bez PDV-a	Popust	Cijena sa popustom bez PDV-a	Ponuđeni rok isporuke (u danima)
1.	Grupa ponuđača: GRIZELJ-GROUP d.o.o., Sarajevo (predstavnik grupe) i TIPEX AS d.o.o., Novi Sad (član grupe)	924.135,80 KM	0%	924.135,80 KM	10
2.	Fagas d.o.o. Sarajevo	960.000,00 KM	0%	960.000,00 KM	1

Zapisnik sa otvaranja ponuda je isti dan preuzet od strane ovlaštenih predstavnika ponuđača koji su prisustvovali otvaranju ponuda.

Podaci o analizi ispunjenosti zahtijevanih uslova iz tenderske dokumentacije

Komisija za provođenje postupaka javnih nabavki je pristupila pregledu ponuda i utvrđeno je sljedeće:

1. Ponuda grupe ponuđača GRIZELJ-GROUP d.o.o. Sarajevo i TIPEX AS d.o.o. Novi Sad ocijenjena je kao nepravilna, budući da u ponudi nisu dostavljeni dokazi zahtijevani tenderskom dokumentacijom.



Naime, ponuđač nije dostavio dokaz tražen tačkom 7.4.1. – Tehnička i profesionalna sposobnost, podtačka p), kojom je propisano sljedeće:

„Ponuđač za ponuđeno mjerilo protoka gasa i korektor (stavka 3. iz Obrasca za cijenu ponude) mora obezbijediti odobrenje tipa izdato od Instituta za mjeriteljstvo BiH“

Kao dokaz, ponuđač je bio dužan dostaviti:

„Original ili ovjerena kopija odobrenje tipa izdato od Instituta za mjeriteljstvo BiH“

Komisija je utvrdila da traženi dokaz nije dostavljen, zbog čega se ponuda smatra nepravilnom.

Također ističemo da je Komisija je utvrdila sljedeće:

- Na stranici 380. ponude dostavljena je Potvrda o ispitivanju od 18.11.2025. godine koja nije ovjerena, odnosno ne sadrži službeni pečat, nije izdana na memorandumu Instituta za mjeriteljstvo Bosne i Hercegovine, niti je iz nje moguće utvrditi koja je osoba istu izdala, budući da ne sadrži ime i prezime potpisnika, kao ni njegovo radno mjesto odnosno funkciju. Također, potvrda ne sadrži jasno navedene podatke o pružaocu usluge ispitivanja i postupku odobrenja tipa. Nadalje, iz samog sadržaja potvrde proizlazi da je *„postupak ispitivanja i odobrenja tipa mjerila u toku“*, što ne predstavlja traženi dokaz o ispunjenosti uslova u skladu s tenderskom dokumentacijom. Imajući u vidu da se u Bosni i Hercegovini u promet mogu stavljati isključivo ona mjerila koja ispunjavaju zahtjeve propisane važećim. Zakonom o mjeriteljstvu, kao i mjeriteljske i tehničke zahtjeve sadržane u odgovarajućim podzakonskim propisima, te za koja je izvršena zahtijevana ocjena usklađenosti po propisanim načinima i postupcima, dostavljena potvrda, koja se odnosi na postupak koji je još uvijek u toku, ne može se smatrati važećim i prihvatljivim dokazom o ispunjenosti navedenih zakonskih i tenderskih uslova. Na stranici 381. ponude dostavljena je obična kopija Certifikata o pregledu tipa mjerila broj: RS-23-027-MI002-5-DMDM od 29.12.2023. godine.
- Na stranici 382. ponude ponovo je dostavljena Potvrda o ispitivanju od 18.11.2025. godine sa istim nedostacima kao i prethodno navedena potvrda.
- Na stranici 383. ponude dostavljena je obična kopija Certifikata o pregledu tipa mjerila broj: RS-25-015-MI002-6-DMDM od 28.10.2023. godine.
- Na stranici 384. ponude dostavljena je obična kopija u boji ovlaštenja proizvođača Common S.A. za prodaju, servis i održavanje opreme.

S obzirom na navedeno, Komisija je zaključila da ponuđač nije dostavio traženi dokaz u formi i sadržaju propisanom tenderskom dokumentacijom, **te se ponuda ocjenjuje kao nepravilna.**

2. Ponuda ponuđača Fagas d.o.o. Sarajevo ocijenjena je kao nepravilna, budući da u ponudi nisu dostavljeni dokazi zahtijevani tenderskom dokumentacijom i to:

- Ponuđač u svojoj ponudi nije dokazao da ponuđeni zaporni ventil KPC-G zadovoljava zahtjeve propisane tačkom B. Aneksa III tenderske dokumentacije u pogledu standarda DIN 3230, EN 331 I EN 13744.
- Ponuđač je u svojoj ponudi dostavio dokumentaciju za sigurnosno-zaporni ventil Honeywell Elster Jeavons S100 i S200 u kojoj katalog, šematski prikaz i sastavnica elemenata postrojenja nisu međusobno identični i usklađeni, čime nije ispunjen uslov iz tačke 7.4.1., podtačka j) tenderske dokumentacije.
- Ponuđena sigurnosno-zaporna armatura u ponudi Ponuđača za postrojenje br. 3 (linija 1) i postrojenje br. 4 funkcionalno ne odgovara propisanim tehničkim parametrima postrojenja u pogledu ni jednog od propisanih sigurnosno-zapornih ventila, čime oprema ne zadovoljava zahtjeve navedene u tački B. Aneksa III tenderske dokumentacije niti zahtjeve Tehničkog pravila G 491 - ni na nivou primarne ni na nivou redundantne sigurnosne zaštite.
- Ponuđač svojom ponudom nije dokazao usaglašenost ponuđene nepovratne klapne sa Direktivom PED (2014/68/EU), čime nije ispunjen uslov iz tačke 7.4.1., podtačka r) tenderske dokumentacije.
- Ponuđač nije dostavio Certificate of usaglašenosti mjerila protoka gasa Honeywell Elster Rabo sa Direktivama MID (2014/32/EU), PED (2014/68/EU) i ATEX (2014/34/EU), kako je traženo tačkom B. Aneksa III tenderske dokumentacije, čime uslov iz navedene tačke nije ispunjen.
- Ponuđač u svojoj ponudi nije dokazao da ponuđene kućice gasnih postrojenja ispunjavaju tehničke zahtjeve propisane tačkom B. Aneksa III tenderske dokumentacije u pogledu materijala, antikorozivne zaštite, mehaničke čvrstoće i broja i načina otvaranja vrata.



- Ponuđač u svojoj ponudi nije dokazao da ponuđene zaptivke ispunjavaju zahtjeve standarda DIN EN 682 i DIN 3535, kako je propisano tačkom B. Aneksa III tenderske dokumentacije, čime navedeni uslov nije ispunjen.
- Ponuđač svojom ponudom nije dokazao usaglašenost ponuđenog manometarskog ventila sa Direktivom PED (2014/68/EU), čime nije ispunjen uslov iz tačke 7.4.1., podtačka r) tenderske dokumentacije.
- Ponuđač u svojoj ponudi nije dostavio dokazao proračune prečnika i debljine stjenke ulaznog gasnog voda u postrojenje i izlaznog gasnog voda iz postrojenja, dimenzionisanje filtera i izbor filterskih uložaka, proračun i izbor regulatora, dimenzionisanje i izbor sigurnosno zapornih ventila, pri pritiscima pulmin i pizlmax i brzini gasa na ulaznoj i izlaznoj strani od $v_{max} \leq 20$ m/s; čime nije ispunjen uslov iz tačke 7.4.1., podtačka c) tenderske dokumentacije.

S obzirom na navedeno, Komisija je zaključila da ponuđač u svojoj ponudi nije dostavio tražene dokaze u formi i sadržaju propisanom tenderskom dokumentacijom, **te se ponuda ocjenjuje kao nepravilna.**

Komisija za provođenje postupaka javnih nabavki roba, usluga i radova jednoglasno je predložila Direktor u skladu sa odredbama člana 69. stav (2) tačka d) Zakona o javnim nabavkama BiH donese Odluku o poništenju predmetnog postupka javne nabavke jer nijedna zaprimljena ponuda nije pravilna.

U postupku ocjene provedenog postupka Direktor nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o poništenju postupka javne nabavke donesena jednoglasno u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Shodno odredbama člana Zakona o javnim nabavkama („Službeni glasnik BiH” broj 39/14, 59/22 i 50/24) žalba se može izjaviti najkasnije deset (10) dana po prijemu ove odluke.

Žalba se izjavljuje u pisanoj formi, u dovoljnom broju primjeraka, URŽ-u putem Ugovornog organa direktno, elektronskim putem ili preporučenom poštanskom pošiljkom.

KJKP "Sarajevogas" d.o.o. Sarajevo

Hase Tirić

Broj protokola: 0801-03- 2760/26

Dostaviti:

1. Službi za javne nabavke, Arhivi Preduzeća, a/a

